



Communicaziun a las medias

Data

16.11.2010

"Istorgias da l'internet" per augmentar la segirezza en l'utilisaziun da las tecnologias d'infurmaziun

Divers posts spezialisads da la Confederaziun e dals chantuns han publictà communablamain la brochura "Istorgias da l'internet – che naging na vules passentar sez". En furma da comics vegnan mussadas situaziuns privlusas en connex cun l'internet ed i vegn mussà co ch'ins po identifitgar ed evitar talas. La finamira è dad augmentar la segirezza e la confidenza da la populaziun en l'utilisaziun da las tecnologias d'infurmaziun e communicaziun odiernas.

L'internet, il computer ed ils telefonins tutgan ozendi tar la vita quotidiana dals umans en Svizra. Ils avantatgs da l'utilisaziun da l'internet è dentant adina colliads cun privels. Auter che tar ina spassegiada sin via n'èn ils chantuns stgirs ed ils privels en l'internet betg adina identifitgabels a prima vista.

Las "Istorgias da l'internet" èn comics che raquintan dad eveniments dischagreabels en connex cun las tecnologias d'infurmaziun e communicaziun modernas – uschè sco ch'els en enconuschents als posts concernids da lur lavur da mintgadi. Ils comics tematiseschon il maldiever da datas persunalas, diversas activitads criminalas en l'internet, la protecziun manglusa dad uffants e giuvenils, l'engion da consumentas e consuments ed ils privels da raits betg codadas. Tiers mintga istorgia datti ina glista da links pertutgant organisaziuns e paginas che porschan infurmaziuns detagliadas.

Entretschads en questas istorgias èn per exempel geniturs, uffants, giuvenils, policistas e policists, birolistas e birolists. Uschia mussan ils comics che l'entira populaziun – giuvens e vegls – è exposita als privels da l'internet.

Las istorgias en furma da comics èn publicgadas en l'internet e pon era vegnir stgargiadas u empustadas sco brochura stampada. Ellas stattan a disposiziun en tudestg, franzos, talian, rumantsch ed englais. Tut tenor giavisch porschain nus las istorgias er en formats adattads per la publicaziun (cun indicaziun da la funtauna).



Per che la populaziun possia giuditgar meglier ils privels da l'internet ed utilisar pli segiramain las novas tecnologias en lur mintgadi, han ils sequents posts uffizials publitgà las "Istorgias da l'internet":

- Uffizi federal da communicaziun (UFCOM),
- federal per dumondas dal consum (UFDC),
- Incumbensà federal per la protecziun da datas e per la trasparenza (IFPDT),
- Servetsch da coordinaziun per il cumbat cunter la criminalitad en l'internet (SCOCCI),
- Centrala d'annunzia e d'analisa per la segirezza da l'infurmaziun (MELANI),
- Prevenziun svizra da la criminalitad (PSC).

La publicaziun "Istorgias da l'internet" è ina da las mesiras per realisar il concept "Segirezza e confidenza" dal qual il cussegl federal è stà orientà ils 11 zercladur 2010. Quest concept preschenta diversas mesiras per sustegnair la populaziun e las interpresas pitschnas e mesaunas (IPM) en ina utilisaziun segira e conferma a la lescha da las tecnologias d'infurmaziun e communicaziun. Questas mesiras duessan sustegnair la confidenza en las novas tecnologias. Las mesiras vegnan realisadas sut l'egida dal post da coordinaziun da la societad d'infurmaziun dal UFCOM en collavuraziun cun diversas organisaziuns spezialisadas.

Contact e dumondas

Ka Schuppisser, post da coordinaziun da la societad d'infurmaziun UFCOM
032 327 56 31

Ulteriuras infurmaziuns

Istorgias da l'internet – che naging na vules passentar sez (cun las pussaivladads d'empustaziun): www.istorgiasdalinternet.ch

Posts uffizials cumpetents

- Uffizi federal da communicaziun (UFCOM)
www.bakom.admin.ch
- Uffizi federal per dumondas dal consum (UFDC)
www.konsum.admin.ch
- Incumbensà federal per la protecziun da datas e per la trasparenza (IFPDT)
www.edoeb.admin.ch
- Centrala d'annunzia e d'analisa per la segirezza da l'infurmaziun (MELANI)
www.melani.admin.ch
- Servetsch da coordinaziun per il cumbat cunter la criminalitad en l'internet (SCOCCI)
www.kobik.ch
- Prevenziun svizra da la criminalitad (PSC)
www.skppsc.ch



Concept "Segirezza e confidenza"

www.bakom.admin.ch > Themen > Informationsgesellschaft > Sicherheit und Vertrauen im Umgang mit den IKT oder

www.bakom.admin.ch/themen/infosociety/01691/01710/index.html?lang=de